



Inatsisartunut ilaasortaq

Mariane Paviasen, Inuit Ataqtigiit

Narsarsuaq mingutsitsinerlu il.il. pillugit § 37 naapertorlugu apeqquteqaammut nr. 92-2023-mut akissut.

Asasara Mariane Paviasen

Inatsisartut suleriaasianni § 37, imm. 1 naapertorlugu Narsarsuaq mingutsitsinerlu il.il. pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

1. Naalakkersuisut pilersaaruteqarpat Amerikkamiut Narsarsuaq 1956-57-mi qimataannik torersaaqqusinissamut piunasaqarnissamut?

Akissut: Amerikkamiut qimataannik tamanik salinissamut tunngatillugu ilisimatitsissutigineqassaaq, 2018-imi taamani Naalakkersuisunut Siulittaasuusup Kim Kielsenip taamani Avatangiisinut Inuussutissalerinermullu Ministeriusoq Esben Lunde Larsen amerikkamiut sakkutuuisa Kalaallit Nunaanniinnerminni najugaqarfisimasaanni salinissaq pillugu naalakkersuinikkut isumaqatigiissuteqarfimmagu. Naalakkersuinikkut isumaqatigiisummi sumiiffiit atorneeruttut, aammalu allanut tunniunneqarsimanngitsut, imaluunniit danskit naalakkersuisuisa Naalakkersuisullu akornanni allanik isumaqatigiissuteqarfineqarsimanngitsut pineqarput. Tassalu Narsarsuarmi maanna mittarfiusoq Mittarfeqarfinit ingerlanneqarami isumaqatigiisummut ilaatinneqanngilaq. Narsarsuarmi sakkutooqarfiusimasup sinnera naalakkersuinikkut isumaqatigiisummut ilaatinneqarpoq.

Tamanna pissutigalugu Naalakkersuisut maannarpiaq Narsarsuarmi maanna mittarfeqarfiusup iluani amerikkamiut qimatarisinnaasaannik salinissamut allanut akiliisitsinissamut pilersaaruteqanngillat.

2. Amerikkamiut Narsarsuaq 1956-57 qimakkamikku akuutissanik arrortikkumiinnatsunik nunamut matorunnikuunerat ilisimaneqarpa?

A) Taamaappat akuutissat arrortikkuminaatsut matorunneqarsimasut nalunaarsorneqarsimappata nassuiaqquneqarput.

Allakkap ullua: 19-05-2023
Suliap normua.: 2023 - 13190
Allagaatip ilisarnartaa:
22998227

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

Akissut: Naalakkersuisut akuutissanik arrortikkuminaatsunik Narsarsuarmi eqqaavissuarmut allamulluunniit matorussisoqarsimaneranik ilisimasaqanngillat.

3. Narsarsuup Kangerluani, sissamiluunniit immap naqqani marrarmi mingutitsisoqarneranik misissuisoqarnikuuva?

Akissut: Naalakkersuisut Narsarsuup Kangerluani sissamiluunniit mingutsitsisoqarneranik misissuisoqarsimaneranik ilisimasaqanngillat.

4. Narsarsuup 1959-mi ammaqinnerata kingorna kemikaliat, akuutissallu allat mingutitsisinnaasut isumannaatsumik nakkutigineqarsimappat?

Akissut: Piffissap ingerlanerani Narsarsuup mittarfiata ingerlanneqarneranut akisussaasuusarsimasut, taakkunungalu Mittarfeqarfiit ilanngullugit, suliassaqarfimmut inatsisinik atuuttunik sukkulluunniit malinnissimanissaat Naalakkersuisunit naatsorsuutigineqarpoq. Taamaattumik aamma ingerlatsinermut akisussaasuusut maleruagassanik, kemikalianik uninngatitsinissamut nakkutilliinissamullu atuuttunik malinnissimanissaat Naalakkersuisunit naatsorsuutigineqarpoq.

5. Mittarfeqarfiit Narsarsuarmiikkunnaarpat uuliakut atorunnaagai qanoq pineqassappat?

Akissut: Pisariaqalissappat tamanna pillugu avatangiisinut isumannaatsumik isumaginnittoqarnissaa Mittarfeqarfinniit qulakkeerreqassasoq Naalakkersuisuniit naatsorsuutigineqarpoq.

Inussiarnersumik inuulluaqqusillunga

Kalistat Lund